

四庫全書

集部

欽定四庫全書

集部

御定全唐詩卷八百五十三至五

詳校官庶吉士臣何道沖

主事銜臣徐以坤覆勘

總校官知縣臣繆琪

校對官學正臣卜惟吉

謄錄監生臣魏淳耀

欽定四庫全書

御定全唐詩卷八百五十三

吳筠

吳筠字貞節華州華陰人少通經善屬文舉進士不第
去入嵩山為道士明皇聞其名遣使徵至待詔翰林天
寶中堅求還山尋入會稽隱剡中大厯中年卒弟子私
謚為宗玄先生集十卷今編詩一卷

遊仙二十四首

啓冊觀往載搖懷考今情終古已寂寂舉世何營營悟
彼衆仙妙超然含至精凝神契冲玄化服凌太清心同
宇宙廣體合雲霞輕翔風吹羽蓋慶霄拂霓旌龍駕朝
紫微後天保令名豈如寰中士軒冕矜整榮

鸞鳳棲瑤林鵲集平楚飲啄本殊好翱翔終異所吾
方遺諠囂立節慕高舉解茲區中戀結彼霄外侶誰謂
天路遐感通自無阻

悠俗從遷謝尋仙去淪沒三元有真人與我生道骨凌

晨吸丹景入夜飲黃月百關彌調暢方寸益清越棲神
合虛無洞覽周恍惚不覺隨玉皇焚香詣金闕

西龜初定錄東華已校名三官無遺譴七祖升雲輶體
妙塵累隔心微玄化并一朝出天地億載猶童嬰使我
齊浩劫蕭蕭宴玉清

怡神在靈府皎皎含清澄仙經不吾欺輕舉信有徵疇
昔希道念而今果天矜豈非陰功著乃致白日升焉用
過洞府吾其越朱陵

高真誠寥邈道合不我遺孰謂姑射遠神人可同嬉結
駕從之遊飄飄出天垂不理人自化神凝物無疵因知
至精感足以和四時

碧海廣無際三山高不極金臺羅中天羽客恣遊息霞
液朝可飲虹芝晚堪食嘯歌自忘心騰舉寧假翼保壽
同三光安能紀千億

將過太帝宮蹙詣扶桑處真童已相迓為我清宿霧海
若寧洪濤羲和止奔馭五雲結層閣八景動飛輿青霞

正可挹丹樾時一遇留我宴玉堂歸軒不令遽

欲超洞陽界試鑒丹極表赤帝躍火龍炎官控朱鳥導
我升絳府長驅出天杪陽靈赫重暉四達何皎皎為爾
流飄風羣生遂無天

予因詣金母飛蓋超西極遂入素中天停輪太濛側若
華拂流影不使白日匿傾曦復亭午六合無暝色道化
隨感遷此理誰能測

九龍何蜿蜒載我升雲網臨睨懷舊國風塵混蒼茫依

依遠人寰去去邇帝鄉上超星辰紀下視日月光條已
過太微天居煥煌煌

停驂太儀側整服金闕前肅肅承上帝鏘鏘會羣仙鴻

鑪發靈香

一作音

廣廡張鈞天玉醴洽中座霞膏充四筵

良期無終極俛仰移億年

峻朗妙門闢澄微真鑒通瓊林九霞上金閣三天中飛
虬躍慶雲翔鶴搏靈風鬱彼玉京會仙期六合同

子昇至陽元

一作源

欲憩明霞館飄飄瓊輪舉曄曄金景

散結虛成萬有高妙咸可翫
玉山鬱嵯峨琅海杳無岸
暨賞過千椿遐齡誰復算

招攜紫陽友合宴玉清臺
排景羽衣振浮空雲駕來
靈旛七曜動瓊障九光開
鳳舞龍璫奏虬軒殊未迴

高升紫極上宴此玄都岑
玉藻散奇香瓊柯流雅音
靈風生太漠習習吹人襟
體混希微廣神凝空洞深
蕭然宇宙外自得乾坤心

晨登千仞嶺俯瞰四人居
原野間城邑山河分里閭
眇

彼埃塵中爭奔聲利途百齡寵辱盡萬事皆為虛自昔
無成功安能與爾俱將期駕雲景超跡升天衢

骨鍊體彌清鑒明塵已絕恬夷宇宙泰煥朗天光徹羽
服參煙霄童顏皎冰雪隱符千魔駭鳴玉萬帝悅遂使
區宇中祇氣永淪滅

朝逾弱水北夕憇鍾山頂顓頊清玄宮禹強掃幽境燭
龍發神曜陰野彌煥炳導達三氣和驅除六天靜玉樓
互相暉煙客何秀穎一舉流霞津千年在俄頃

揚蓋造辰極乘煙遊閭風上元降玉闥王母開琳宮天
人何濟濟高會碧堂中列侍奏雲歌真音滿太空千年
紫柰熟四劫靈瓜豐斯樂異荒讌陶陶殊未終

整駕辭五嶽排煙凌九霄紛然太虛中羽旆更相招且
盼蓬壺近誰言崑閬遙悠悠竟安適仰赴三天朝

予招三清友迥出九天上撓挑絕漠中差池遙相望大
空含常明八外無隱障鸞鳳有逸翮冷然恣飄颻寥寥
唯玄虛至樂在神王

縱身太霞上眇眇虛中浮八威先啓行五老同我遊靈
景何灼灼祥風正寥寥嘯歌振長空逸響清且柔遨嬉
無迹賞顧眄皆真儔不疾而自速萬天俄已周

返視太初先與道冥至一空洞凝真精乃為虛中實變
通有常性合散無定質不行迅飛電隱曜光白日玄棲
忘玄深無得固無失

覽古十四首

聖人重周濟明道欲救時孔席不暇暖墨突何嘗緇興

言振頽綱將以有所維君臣恣淫惑風俗日凋衰三代
業遽隕七雄遂交馳庶物墜塗炭區中若焚絲秦皇燎
儒術方冊靡孑遺大漢歷五葉斯文復崇推乃驗經籍
道與世同屯夷弛張固天意設教安能持

興亡道之運否泰理所全奈何淳古風既往不復旋三
皇已散朴五帝初尚賢王業與霸功浮僞日以宣忠誠
及狙詐殺混安可甄餘智入九霄守愚淪重泉永懷巢
居時感涕徒泣然

棟宇代巢穴其來自三皇跡生固為累經始增百王瑤
臺既滅夏瓊室復隕湯覆車世不悟秦氏興阿房繼踵
迷反正漢家崇建章力役弊萬人環竒殫八方徇志仍
未極促齡已云亡侈靡竟何在荆榛生廟堂

閑居覽前載惻彼商與秦所殘必忠良所寶皆兇器
詭方自聖不悟禍滅身箕子作周輔孫通為漢臣洪範
及禮儀後王用經綸

吾觀采苓什復感青蠅詩纔佞亂忠孝古今同所悲姦

邪起狡猾骨肉相殘夷漢儲殞江充晉嗣滅驪姬天性
猶可間君臣固其宜子胥烹吳鼎文種斷越鉞屈原沈
湘流厥戚咸自貽何不若范蠡扁舟無還期

嘗稽真仙道清寂祛衆煩秦皇及漢武焉得遊其藩情
擾萬幾屑位驕四海尊既欲先宇宙仍規後乾坤崇高
與久遠物莫能兩存矧乃恣所慾荒淫伐靈根金膏恃
延期玉色復動魂征戰窮外域殺傷被中原天鑒諒難
誣神理不可諉安期返蓬萊王母還崑崙異術終莫告

悲哉竟何言

魯侯祈政術尼父從棄捐漢主思英才賈生被

一作亦排

遷始皇重韓子及覩乃不全武帝愛

一作欽

相如既徵復

忘賢貴遠世咸爾賤今理共然方知古來主難以効當

年

食其昔未偶落魄為狂生一朝君臣契雄辯何縱橫運

籌康漢業憑軾下齊城既以智所達還為智所烹豈若

終貧賤酣歌本無營

晁錯抱遠策為君納良規削彼諸侯權永用得所宜姦
臣負舊隙乘釁謀相危世主竟不辨身戮宗且夷漢景
稱欽明濫罰猶如斯比干與龍逢殘害何足悲

絳侯成大績賞厚位仍尊一朝對獄吏榮辱安可論蘇
生佩六印奕奕為殃源主父食五鼎昭昭成禍根李斯
佐二辟巨釁鍾其門霍孟翼三后伊戚及後昆天人忌
盈滿茲理固永存方知得意者何必乘朱輪滅景栖遠
壑絃歌對清樽二疏返海濱蔣詡歸林園蕭灑去物累

此謀誠足敦

至人順通塞委命固無疵吾觀太史公可謂識道規留
滯焉足憤感懷殄生涯吾歎龔夫子秉義確不移晦跡
一何晚天年天當時薰膏自銷鑠楚老空餘悲

達者貴量力至人尚知幾京房洞幽贊神奧咸發揮如
何嫉元惡不悟禍所歸謀物闇謀已誰言爾精微

以上二首一本作一首

玄元明知止大雅尚保躬茂先洽聞者幽蹟咸該通
弱年賦鷦鷯可謂達養蒙晚節希鸞鵠長飛戾曾

穹知進不知退遂令其道窮伊昔辨福初胡為迷禍終
方驗嘉遁客永貞天壤同

聖人垂大訓奧義不苟設天道殃頑兇神明祐懿哲斯
言猶影響安得復迴穴鯨睽誕英睿唐虞育昏孽盜跖
何延期顏生乃短折魯隱全克讓禍機遂潛結楚穆肆
巨逆福柄奚赫烈田常弑其主祚國久固缺管仲存霸
功世祖一作祀成詭說漢氏方板蕩羣閹恣邪譎謬謬陳
蕃徒孜孜抗忠節誓期區宇靜爰使兇醜絕謀協事靡

從俄而反誅滅古來若茲類紛擾難盡列道遐理微茫
誰為我昭晰吾將詢上帝寥廓詎躋徹已矣勿用言忘

懷庶自悅

自楚穆以下一本分作二首

步虛詞十首

衆仙仰靈範肅駕朝神宗金景相照曜逶迤升太空七

玄已高飛火鍊生珠

一作朱

宮餘慶逮天壤平和王道融

八威清遊氣

一作氣

十絕舞祥風使我躋陽源

一作原

其來

自陰功逍遙太霞上真鑒靡不通

逸轡登紫清乘光邁奔電閭風隔三天俯視猶可見玉
闥標敞朗瓊林鬱葱蒨自非挺金骨焉得諧夙願真朋
何森森合景恣遊宴良會忘淹留千齡纔一眇

三宮發明景朗照同鬱儀紛然馳飈歛上采空清蕤令
我洞金色後天耀瓊姿心協太虛靜寥寥竟何思玄中
有至樂淡泊終無為但與正真友飄飄散一作從遨嬉

稟化凝正氣鍊形為真仙忘心符元宗返本協自然帝
一集絳宮流光出丹玄元英與桃君朗詠長生篇六府

煥明霞百關

一作關

羅紫煙飈車涉寥廓靡靡乘景遷不

覺雲路遠斯須遊萬天

扶桑誕初景羽蓋凌晨霞脩歛造西域嬉遊金母家碧
津湛洪源灼爍敷荷花煌煌青琳宮粲粲列玉華真氣
溢絳府自然思無邪俯矜區中士天濁良可嗟

瓊臺劫萬仞孤映大羅表常有三素雲凝光自飛繞羽
幢泛明霞升降何縹緲鸞鳳吹雅音栖翔絳林標玉虛
無晝夜靈景何皎皎一覩太上京方知衆天小

灼灼青華林靈風

一作鳳

振瓊柯三光無冬春一氣清且

和迴首邇結靈傾眸親曜羅豁落制六天流鈴威百魔

絲絲慶不極誰謂椿齡多

高情

一作清

無侈靡遇物生華光至樂無簫歌金玉音琅

琅

一作玉音
自琳琅

或登明真臺宴此羽景堂杳靄結寶雲霏

微散靈香天人誠遐曠歡泰不可量

爰從太微上肆覲虛皇尊騰我八景輿威遲入天門既

登玉宸庭肅肅仰紫軒敢問龍漢末如何闢乾坤怡然

輟雲璈告我希夷言幸聞至精理方見造化源

二氣播萬有化機無停輪而我操其端乃能出陶鈞寥

寥大漠

一作升天漢

上所遇皆清真澄瑩含元和氣同自相

親絳樹結丹實紫霞流碧津以茲保童嬰永用超形神

登北固山望海

此

一作北

山鎮京口迥出滄海湄躋覽何所見茫茫潮汐

馳

一作池

雲生蓬萊島日出扶桑枝萬里混一色焉能分

兩儀願言策煙駕縹緲尋安期揮手謝人境吾將從此

辭

聽尹鍊師彈琴

至樂本太一幽琴和乾坤
鄭聲久亂雅此道稀能尊
吾見尹仙翁伯牙今復存
衆人乘其流夫子達其源
在山峻峰峙在水洪
濤奔都忘邇城闕但覺清
心魂代乏識微者幽音誰
與論

題龔山人草堂

世人負一美未肯甘陸沈
獨抱匡濟器能懷真隱心
結

廬邇城郭及到雲木深減跡暮潁陽忘機同漢陰啓戶
面白水憑軒對蒼岑但歌考槃詩不學梁父吟茲道我
所適感君齊素襟勗哉龔夫子勿使囂塵侵

遊廬山五老峰

彭蠡隱深翠滄波照芙蓉日初金光滿景落黛色濃雲
外聽猿鳥煙中見杉松自然符幽情瀟灑愜所從整策
務探討嬉遊任從容玉膏正滴瀝瑤草多芊茸羽人栖
層崖道合乃一逢揮手欲輕舉為余扣瓊鐘空香清人

心正氣信有宗永用謝物累吾將乘鸞龍

登廬山東峰觀九江合彭蠡湖

百川灌彭蠡秋水方浩浩九派混東流朝宗合天沼寫
心陟雲峰縱目還縹緲宛轉衆浦分差池羣山繞江妃
弄明霞彷彿呈窈窕而我臨長風飄然欲騰矯昔懷滄
洲興斯志果已紹焉得忘機人相從洽魚鳥

建業懷古

炎精既失御宇內爲三分吳王霸荆越建都長江濱爰

資股肱力以靜淮海民魏后欲濟師臨流遽旋軍豈惟
限天塹所忌在有人惜哉歸命侯淫虐敗前勲銜壁入
洛陽委躬為晉臣無何覆宗社為爾含悲辛俄及永嘉
末中原塞兵塵五馬浮渡江一龍躍天津此時成大業
實賴賢縉紳關土雖未遠規模亦振振謝公佐王室仗
節掃偽秦誰為吳兵孱用之在有倫荏苒宋齊末斯須
變梁陳綿歷已六代興亡互紛綸在德不在險成敗良
有因高堞復于隍廣殿摧于榛王風久泯滅勝氣猶氤

氤皇家一區域玄化通無垠常言宇宙泰忽邁雲電屯
極目梁宋郊茫茫晦妖氛安得倚天劍斬茲橫海鱗排
服一作徊江山暮感激為誰申

經羊角哀墓作

祇召出江國路傍旌古墳伯桃葬角哀墓近荆將軍神
道不相得稱兵解其紛幽明信難知勝負理莫分長呼
遂刎頸此節古未聞兩賢結情愛骨肉何足云感子初
併糧我心正氛氤遲迴駐征騎不覺空林醺

過天門山懷友

舉帆遇風勁逸勢如飛奔縹緲凌煙波崩騰走川原兩
山夾滄江豁爾開天門須臾輕舟遠想象孤嶼存歸路
日已近怡然慰心魂所經多奇趣待與吾友論一日如
三秋相思意彌敦

舟中遇柳伯存歸潛山因有此贈

澆風久成俗真隱不可求何悟非所冀得君在扁舟目
擊道已存一笑遂忘言况觀絕交書兼覩箴隱文

見君浩然心視世如浮空君歸潛山曲我復廬山中形
間心不隔誰能嗟異同他日或相訪無辭馭冷風

舟中夜行

榜人識江路挂席從宵征莫辨洲渚狀但聞風波驚陰
雲正飄颻落月無光晶豈不畏艱險所憑在忠誠何時
達遙夜佇見初日明

晚到湖口見廬山作呈諸故人

夜舟達湖口漸近廬山側高高標橫天隱隱何峻極石

鏡啓晨暉，鑪煙凝寒色。旅泊將休暇，歸心已隳陟。虛名
久爲累，使我辭逸域。良願道不違，幽襟果茲得。故人在
雲嶠，乃復同晏息。鴻飛入青冥，虞氏一作人罷矰弋。

苦春霖作寄友

應龍遷南方，靈雨備

一作漏

江干俯望失平陸，仰瞻隱崇

巖。陰風斂暄氣，殘月淒已寒。時鳥戢好音，衆芳亦微殘。
萬流注江湖，日夜增波瀾。數君曠不接，悄然無與歡。對
酒聊自娛，援琴爲誰彈。彈爲愁霖引，曲罷仍永歎。此歎

因感物誰能識其端寫懷寄同心詞極意未殫

酬葉縣劉明府避地廬山言懷詒鄭錄事昆季

苟尊師兼見贈之

明哲良罕遇遇君輒思齊挺生著天爵自可析人珪河
洛初沸騰方期掃虹霓時命竟未合安能親鼓輦從此
罷飛鳧投簪辭割雞驅車適南土忠孝兩不睽廬嶽鎮
江介於焉愜林棲入門披綵服出谷杖紅藜隱令舊閭
里而今復成躋鄭公解簪紱華萼曜松谿賢哉苟徵君

滅跡爲圃畦顧已成非薄忝茲忘筌蹄相觀對綠樽逸
思凌丹梯道泰我長往時清君勿迷王孫且無歸芳草
正萋萋

高士詠

有序

易稱君子之道或出或處或默或語蓋出而語者
所以佐時致理處而默者所以居靜鎮躁故雖無
言亦幾於利物豈獨善其身而已哉夫子曰隱居
以求其志行義以達其道所謂百慮一致殊途同

歸者也夫好同惡異人之常情予自弱年竊尚真
隱遠覽先達實怡我心雖不見古人而餘風可仰
是則是倣其唯嘉遁之士乎故企慕之不足則師
友之師友之不足則詠歌之聊樂我員於是乎在
昔玄晏先生皇甫謐因其所美而著高士傳梁伯
鸞有高士頌愚今有高士詠亦各一時之志耳太
初渺邈難得而詳洪崖之流無跡可紀故始於混
元皇帝終於陶徵君舉其絕倫明其標的為五十

首以吟諷其德音焉

混元皇帝

玄元九仙主道冠三氣初應物方佐命棲真亦歸居
貽篇訓終古駕景還太虛孔父歎猶龍誰能知所如

廣成子

廣成卧雲岫緬邈逾千齡軒轅來順風問道修神形至
言發玄理告以從杳冥三光入無窮寂默返太寧

許先生

大名賢所尚寶位聖所珍皎皎許仲武遺之若纖塵棄
瓢箕山下洗耳潁水濱物外兩寂寞獨與玄冥均

樊先生

巢父志何遠潛精人莫知恥聞讓王事飲犢方見移不
欲散太朴焉能為堯師鍊真自輕舉浮世何足遺

柏成子高

大禹受禪讓子高辭諸侯退躬適外野放浪夫何求萬
乘造中畝一言良見酬俛俛耕不顧斯情邈難儔

臧丈人

臧叟隱中壑垂綸心浩然文王感昔夢授政道斯全一
遵無為術三載淳化宣功成遂不處遁跡符冲玄

伯夷叔齊

夷齊互崇讓棄國從所欽聿來及宗周乃復非其心世
濁不可處冰清首陽岑采薇詠義農高義越古今

南華真人

南華源道宗玄遠故不測動與造化遊靜合太和息放

曠生死外逍遙神明域况乃資九丹輕舉歸太極

冲虛真人

冲虛冥至理體道自玄通不受子陽祿但飲壺丘宗泠然竟何依撓挑遊太空未知風乘我為是我乘風

洞靈真人

亢倉致虛極潛跡依遠岫智去愚獨留日虧歲方就鄉人謀尸祝不欲聞俎豆尚賢非至理堯舜固為陋

通玄真人

通玄貴陰德利物非市朝悠然大江上散髮揮輕橈已
陳緇帷說復表滄浪謠滅跡竟何往遺文獨昭昭

文始真人

文始通道源含光隱關吏遙欣紫氣浮果驗真人至玄
誥已云錫世榮何足累高步三清境超登九仙位

榮啓期

榮期信知止帶索無所求外物非我尚琴歌自優游三
樂通至道一言醉丘丘居常以待終嘯傲夫何憂

長沮桀溺

賢哉彼沮溺避世全其真
孔父棲棲者征途方問津
行藏既異跡語默豈同倫
耦耕長林下甘與鳥雀羣

顏闔

世情矜寵譽傲節微當時
顏闔遵無名飯牛聊自怡
逃聘鄙束帛鑿坏欣茅茨
託躬囂塵表放浪世莫知

老萊夫妻

萊氏道已遠懿妻德彌清
一遁囂煩趣永契雲壑情
祿

位非所重拂衣遂遐征杳然從我願豈爲物所撓

楚狂接輿夫妻

接輿耽冲玄伉儷亦真逸然辭徵聘耕績代祿秩鳳
歌誠文宣龍德遂隱密一遊峨嵋上千載保靈術

鄭商人弦高

卓哉弦高子商隱獨標奇倣謀全鄭國矯命犒秦師賞

神

一作伸

義不受存公滅其私虛心貴無名遠跡居九夷

柳下惠

展禽抱純粹滅跡和光塵高情遺軒冕降志救世人百
行既無點三黜道彌真信謂德超古豈惟言中倫

荷蓀晨門

荷蓀隱耕藝晨門潛抱關道尊名可賤理愜心彌閒混
跡是非域縱懷天地間同訊孔宣父匿景香不還

漢陰丈人

野哉漢陰叟好古遂忘機抱甕誠亦勤守朴全道微子
貢初不達聽言識其非已爲風波人恍惚失所依

於陵夫妻

皎皎於陵子已賢妻亦明安茲道德重顧彼浮華輕琴書不為務祿位不可榮逃跡終灌園誰能達世情

項橐

太項冥虛極微遠不可究稟量合太初返形寄童幼孔父慙至理顏生賴真授泛然同萬流無跡世莫覩

太伯延陵

太伯全至讓遠投蠻夷間延陵嗣高風去國不復還尊

崇比蟬翼道義侔崇山元

一作玄

規與峻節歷世無能攀

壺丘子

壺丘道為量玄虛固難知
季咸曜淺術禦寇初深疑
至人忘禍福感變靡定期
太冲杳無朕元化誰能知

段干木

干木布衣者守道杜衡門
德光義且富首陽王侯尊
魏主欽其賢軾廬情亦敦
秦兵遂不舉高卧為國藩

魯仲連

仲連秉奇節釋難含道情一言却秦圖片札降聊城辭
金義何遠讓祿心益清處世功已立拂衣蹈滄溟

顏歎

高哉彼顏歎逸氣陵齊宣道尊義不屈士重王來前榮
祿安可誘保和從自然放情任所尚長揖歸山泉

周豐

周豐貴隱耀靜默尊無名魯侯詢政體喻以治道精莅
人在忠慤疑叛由會盟一言達至義千載良為程

師金

聖人貴素朴禮義非立同師金告顏生可謂達化宗夫子飾芻狗自然道斯窮應物方矯行俯仰靡不通

南郭子綦

子綦方隱几冥寂久灰心悟來應顏游清義杳何深含響盡天籟有言同轂音是非不足辯安用勞神襟

黔婁先生

黔婁蘊雅操守約遺代華淡然常有怡與物固無瑕哲

妻配明德既沒辯正邪辭祿乃餘貴表謚良可嘉

原憲

原生何淡漠觀妙自怡性蓬戶常晏如弦歌樂天命無財方是貧有道固非病木賜欽高風退慙車馬盛

商山四皓

萬方厭秦德戰伐何紛紛四皓同無為丘中卧白雲自漢成帝業一來翼儲君知幾道可尚隱括成元勲

河上公

邈邈河上叟無名契虛冲靈闕暢玄旨萬乘趨道風寵辱不可累飄然在雲空獨與造化友誰能測無窮

東方曼倩

東方稟易象翫世隱廊廟棲心抱清微混跡秘光耀玄覽寄數術納規在談笑賣藥五湖中還從九仙妙

嚴君平

漢皇舉遺逸多士咸已寧至德不可拔嚴君獨湛冥卜筮訓流俗指歸暢玄經閉關動元象何必遊紫庭

司馬季主

季主超常倫沈跡寄卜筮宋賈工大夫停車試觀藝高
談哂朝列洪辯不可際終秉鸞鳳心脩然已遐逝

鄭子真張仲蔚

子真巖石下仲蔚蓬蒿居禮聘終不屈清貧長晏如心
情在耕藝養壽資玄虛至樂非外物道宴歡有餘

嚴子陵

漢皇敦故友物色訪嚴生三聘追深澤一來遇帝庭紫

宸同御寢玄象驗客星祿位終不屈雲山樂躬耕

向子平

子平好真隱清淨翫老易探玄樂無為觀象驗損益常
抱方外心且紆人間跡一朝畢婚娶五嶽遂長適

韓康

伯休抱遐心隱括自為美賣藥不二價有名反深耻安
能受玄纁秉願終素履逃遁從所尚蕭蕭絕塵軌

臺佟管寧

吾嘉臺孝威樂道隱巖穴吾尚管幼安棲真養高節採
藥聊自給觀書任所悅風塵不可混真素比松雪

高鳳

吾觀時人趣矯跡務馳聲獨有高文通訟田求賢名公
車徒見累爵祿非所榮隱身樂魚釣世網不可撓

龐德公

龐公棲鹿門絕跡遠城市超然風塵外自得丘壑美耕
鑿勤厥躬耘鋤課妻子保茲永無患軒冕何足紀

玄晏先生

士安逾弱冠落魄未修飾一朝因感激志學忘寢食著
書窮天人辭聘守玄默薄葬信昭儉可爲將來則

孫公和

孫登好淳古卉服從穴居彈琴合天和讀易見象初終
日無愠色恬然在玄虛貽言誠叔夜超跡安所如

董威輦

董京依白社散髮詠玄風心出區宇外跡參城市中

塵不能雜名位安可籠匿影留雅什精微信難窮

郭文舉

郭生在童稚已得方外心絕跡遺世務棲真入長林元和感異類猛獸懷德音不憶固無情斯言微且深

陶徵君

吾重陶淵明達生知止足怡情在樽酒此外無所欲彭澤非我榮折腰信為辱歸來北窗下復採東籬菊

元日言懷因以自勵詒諸同志

馳光無時憩加我五十年知非慕伯玉讀易宗文宣經
世匪吾事庶幾唯道全誰言帝鄉遠自古多真仙餘滓
永可滌秉心方杳然孰能無相與滅跡俱忘筌安用感
時變當期升九天

同劉主簿承介建昌江泛舟作

吾友從吏隱和光心杳然鳴琴正多暇嘯侶浮清川風
霽遠澄映昭昭涵洞天坐驚衆峰轉乃覺孤舟遷崖嶼
非一狀差池過目前徘徊白日暮月色江中鮮真興殊

未已滔滔且汴沿時歌滄浪曲或誦逍遙篇酣暢迷夜
久遲遲方告旋此時無相與其旨忘筌

緱山廟

朝吾自嵩山驅駕遵洛汭逶遲輶轅側仰望緱山際王
子謝時人笙歌此賓帝仙材夙所稟寶位焉足繫為迫
丹霄期闕流蒼生惠高蹤邈千載遺廟今一詣肅肅生
風雲森森列松桂大君弘至道層構何壯麗稽首環金
壇焚香陟瑤砌伊余超浮俗塵慮久已閉况復清夙心

蕭然叶真契

塞無人行

劍頭利如芒恒持

一作時

照眼光鐵騎追驍冠金羈討黠羌

高秋八九月朔地早風霜男兒不惜死破膽與君嘗

別章叟

平昔同邑里經年不相思今日成遠別相對心悽其

題縉雲嶺永望館

人驚此路險我愛山前深猶恐佳趣盡欲行且沈吟

題華山人所居

故人住南郭邀我對芳樽
歡暢日云暮不知城市喧

御定全唐詩卷八百五十三

欽定四庫全書

御定全唐詩卷八百五十四

杜光庭

杜光庭字聖賓括蒼人喜讀書工辭章翰墨應百篇舉
不中入天台山為道士僖宗召見賜以紫服充麟德殿
文章應制後隱青城山白雲溪自稱東瀛子蜀主王建
賜號廣成先生有廣成集一百卷壺中集三卷今存詩
一卷

初月

始看東上又西浮圓缺何曾得自由照物不能長似鏡
當天多是曲如鉤定無列宿散爭耀好伴晴河相映流
直使奔波急於箭祇應白盡世間頭

題仙居觀

往歲真人朝玉皇四真三代住繁陽初開九鼎丹華熟
繼躡五雲天路長烟鎖翠嵐迷舊隱池凝寒鏡貯秋光
時從白鹿岩前往應許潛通不死鄉

題鴻都觀

亡吳霸越已功全
深隱雲林始學仙
鸞鶴自飄三蜀駕
波濤猶憶五湖船
雙溪夜月明寒玉
衆嶺秋空歛翠烟
也有扁舟歸去興
故鄉東望思悠然

題都慶觀

三仙一一駕紅鸞
仙去雲閑遶古壇
煉藥舊臺空處所
掛衣喬木兩推殘
清風嶺接猿聲近
白石溪涵水影寒
二十四峰皆古隱
振纓長往亦何難

贈將軍

首二句
缺

八表順風驚雨露

四溟隨劍息波濤
手扶北極鴻圖永
靈卷長天聖日高
未曾漢家青史上
韓彭何處有功勞

題鶴鳴山

五氣雲龍下泰清
三天真客已功成
人間回首山川小
天上凌雲劍佩輕
花擁石壇何寂寞
草平轍跡自分明
鹿裘高士如相遇
不待岩前鶴有聲

題空明洞

窅然靈岫五雲深
落翮標名振古今
芝朮迎風香馥馥
松檉蔽日影森森
從師祇擬尋司馬
訪道終期謁奉林
欲問空明奇勝處
地藏方石恰如金

題北平沼

桐栢真人曾此居
焚香屋下誦靈書
朝回時宴三山客
澗盡閑飛五色魚
天柱一峯凝碧玉
神燈千點散紅蕖
寶芝常在知誰得
好駕金蟾入太虛

題平蓋沼

勢壓長江空八陣吳都仙客此脩真寒江向晚波濤急
深洞無風草木春江上玉人應可見洞中仙鹿已來馴
龍車鳳輦非難遇只要塵心早出塵

題本竹觀

樓閣層層冠此山雕軒朱檻一躋攀碑刊古篆龍蛇動
洞接諸天日月閑帝子影堂香漠漠真人丹澗水潺潺
掃空雙竹今何在只恐投波去不還

題福唐觀二首

盤空躡翠到山巔，竹殿雲樓勢逼人。
太古洞深微有路，舊碑文滅不知年。
八州物象通簷外，萬里烟霞在目前。
自是人間輕舉地，何須蓬島訪真仙。

曾隨雲水此山遊，行盡層峰更上樓。
九月登臨須有意，七年岐路亦堪愁。
樹紅樹碧高低影，烟淡烟濃遠近秋。
暫爇爐香不須去，佇陪天仗入神州。

題莫公臺

奇絕巍臺峙濁流古來人號小瀛洲路通霄漢雲迷晚
洞隱魚龍月浸秋舉首摘星河有浪自天圖畫筆無鈎
將軍悟却希夷訣贏得清名萬古流

讀書臺

山中猶有讀書臺風掃晴嵐畫障開華月冰壺依舊在
青蓮居士幾時來

贈人

靜神凝思仰青冥此夕長天降瑞星海上昨聞鵬羽翼

人間初見鶴儀形

贈蜀州刺史

再扶日月歸行殿
却領山河鎮夢刀
從此雄名壓寰海
八溟爭敢起波濤

題劍門

誰運乾坤陶冶功
鑄為雙劍倚蒼穹
題詩曾駐三天駕
礙日長含八海風

題龍鵠山

抽得閑身伴瘦筇
亂敲青碧喚蛟龍
道人掃徑收松子
缺月初圓天柱峰

富貴曲

以下十一首
一作鄭遨詩

美人梳洗時
滿頭間珠翠
豈知兩片雲
戴却數鄉稅
詠西施

素面已云妖
更著花鈿飾
臉橫一寸波
浸破吳王國

傷時

帆力劈開滄海浪
馬蹄踏破亂山青
浮名浮利過於酒

醉得人心死不醒

題霍山秦尊師

老鶴玄猿伴採芝
有時長嘆獨移時
翠娥紅粉嬋娟劍
殺盡世人不知

偶題

似鶴如雲一箇身
不憂家國不憂貧
擬將枕上日高睡
賣與世間榮貴人

思山詠

因賣丹砂下白雲
鹿裘惟惹九衢塵
不如將耳入山去
萬是千非愁殺人

景福中作

悶見戈鋌匝四溟
恨無奇策救生靈
如何飲酒得長醉
直到太平時節醒

招友人遊春

難把長繩繫日烏
芳時偷取醉功夫
任堆金壁磨星斗
買得花枝不老無

山居三首

悶見有人尋菴更入深
落花流澗水明月照松林
醉勸頭陀酒閒教孺子吟
身同雲外鶴斷得世塵侵

冥心栖太室散髮浸流泉
採柏時逢麝看雲忽見仙
夏狂衝雨戲春醉戴花眠
絕頂登雲望東都一點煙

不求朝野知卧見歲華移
採藥歸侵夜聽松飯過時
荷竿尋水釣背局上岩
碁祭廟人來說中原正亂離

紀道德

以下二首俱一言至十五言

道德清虛玄默生帝先為聖則聽之不聞搏之不得至
德本無為人中多自惑在洗心而息慮亦知白而守黑
百姓日用而不知上士勤行而必克既鼓鑄於乾坤品
物信充伋乎東西南北三皇高拱兮任以自然五帝垂
衣兮修之不忒以心體之者為四海之主以身彎之者
為萬夫之特有皓齒青娥者為伐命之斧蘊奇謀廣智
者為盜國之賊曾未若軒后順風兮清靜自化曾未若
臯陶邁種兮溫恭允塞故可以越圓清方濁兮不始不

終何止乎居九流五常兮理家理國豈不聞乎天地於
道德也無以清寧豈不聞乎道德於天地也有踰繩墨
語不云乎仲尼有言朝聞道夕死可矣所以垂萬古歷
百王不敢離之於頃刻

懷古今

古今感事傷心驚得喪歎浮沈風駟寒暑川注光陰始
銜朱顏麗娥悲白髮侵嗟四豪之不返痛七貴以難尋
夸父興懷於落照田文起怨於鳴琴鴈足淒涼兮傳恨

緒鳳臺寂寞兮有遺音朔漠幽囚兮天長地久瀟湘隔
別兮水闊煙深誰能絕聖韜賢餐芝餌朮誰能含光遁
世鍊石燒金君不見屈大夫紉蘭而發諫君不見賈太
傅忌鵬而愁吟君不見四皓避秦峩峩戀商嶺君不見
二疎辭漢飄飄歸故林胡為乎冒進貪名踐危途與傾
轍胡為乎怙權恃寵顧華飾與彫簪吾所以思抗跡忘
機用虛無為師範吾所以思去奢滅慾保道德為規箴
不能勞神倣蘇子張生兮於時而縱辯不能勞神倣楊

朱墨翟兮揮涕以沾襟

句

銅壺滴滴禁漏起三十六宮爭捲簾

月以下錦繡萬花谷

斜陽

古岸歸雅晚紅蓼低沙宿鴈愁

霜彫曲徑寒蕪白鴈

下遙村落照黃

恩威欲寄黃丞相仁信先聞郭細侯

兵氣此時來世上文星今日到人間降因天下思姚

宋出為儒門繼孔顏

丹竈河車休矻矻蚌胎龜息且

緜緜馭景必能趨日域騎箕終擬躡星躔返樸還淳皆

至理遺形忘性盡真詮

山居百韻
見鑑戒錄

御定全唐詩卷八百五十四

欽定四庫全書

御定全唐詩卷八百五十五

鄭遨

鄭遨字雲叟滑州白馬人昭宗時舉進士不第入少室山為道士徙居華陰種田自給與道士李道殷羅隱之友善世目為三高士唐明宗以左拾遺晉高祖以諫議大夫召皆不起賜號逍遙先生天福中卒詩十七首

山居

一作杜
光庭詩

悶見有人尋移庵更入深落花流澗水明月照松林醉
勸頭陀酒閑教孺子吟身同雲外鶴斷得世塵侵

冥心棲太室散髮浸流泉採柏時逢麝看雲忽見仙夏
狂衝雨戲春醉戴花眠絕頂登雲望東都一點煙

不求朝野知臥見歲華移採藥歸侵夜聽松飯過時荷
竿尋水釣背局上巖碁祭廟人來說中原正亂離

茶詩

嫩芽香且靈吾謂草中英夜白和煙搗寒鑪對雪烹惟

憂碧粉散常見綠花生最是堪珍重能令睡思清

哭張道古

曾陳章疏忤昭皇撲落西南事可傷豈使諫臣終屈辱
直疑天道惡忠良生前賣卜居三蜀死後馳名遍大唐
誰是後來脩史者言君力死正顏綱

富貴曲

一作杜
光庭詩

美人梳洗時滿頭間珠翠豈知兩片雲戴却數鄉稅

傷農

一粒紅稻飯幾滴牛領血珊瑚枝下人銜杯吐不歇

詠西施

一作杜
光庭詩

素面已云妖更著花鈿飾臉橫一寸波浸破吳王國

思山詠

一作杜
光庭詩

因賣丹砂下白雲鹿裘惟惹九衢塵不如將耳入山去
萬是千非愁殺人

招友人遊春

一作杜
光庭詩

難把長繩繫日烏芳時偷取醉工夫任堆金壁磨星斗

買得花枝不老無

宿洞庭

月到君山酒半醒
朗吟疑有水仙聽
無人識我真閑事
贏得高秋看洞庭

題病僧寮

佛前香印廢晨燒
金錫當門照寂寥
童子不知師病困
報風吹折好芭蕉

題霍山秦尊師

一作杜光庭詩

老鶴玄猿伴採芝有時長歎獨移時
翠娥紅粉渾如劒殺盡世人人不知

偶題

似鶴如雲一箇身不憂家國不憂貧
擬將枕上日高睡賣與世間榮貴人

帆力劈

一作街

開滄海浪馬蹄踏破亂山青
浮名浮利濃

於酒醉得人心死不醒

一作杜
光庭詩

景福中作

一作杜
光庭詩

悶見戈鋌匝四溟恨無奇策救生靈如何飲酒得長醉
直到太平時節醒

題中條靜觀

侯道華
上昇處

松頂留衣上玉霄永傳異迹在中條不知揖徧諸仙否

欲請還丹問昨宵

道華有詩云帖裏大
還丹昨宵謾喫却

虞有賢

虞有賢唐末道士詩一首

送臥雲道士

一作魚又玄題云題
柳公權書度人經後

臥雲道士來相辭相辭倏忽何所之紫閣春深煙靄靄
東風花柳折枝枝藥成酒熟有時節寒食恐失松間期
冥鴻一見傷弓翼高飛展轉心無疑滿酌數杯酒狂吟
幾首詩留不住去不悲醺雞蜉蟭安得知

程紫霄

程紫霄唐末道士後唐同光初嘗勅令入內殿講論詩
一首

示守庚申衆

避暑錄云道家言人身中有三尸亦云三彭記人過失庚申日乘人

欽定四庫全書

集部

御定全唐詩卷八百五十六至九

詳校官庶吉士臣何道沖

主事銜臣徐以坤覆勘

總校官知縣臣繆琪

校對官學正臣卜惟吉

謄錄監生臣魏繩曾

欽定四庫全書

御定全唐詩卷八百五十六

呂巖

呂巖字洞賓一名巖客禮部侍郎渭之孫河中府永樂

一云蒲坂縣人咸通中舉進士不第遊長安酒肆遇鍾離權

得道不知所往詩四卷

呈鍾離雲房

生在儒家遇太平懸纓重滯布衣輕誰能世上爭名利

獻鄭思遠施真人二仙

萬劫千生到此生
此生身始覺飛輕
拋家別國雲山外
煉魄全魂日月精
比見至人論九鼎
欲窮大藥訪三清
如今獲遇真仙面
紫府仙扉得姓名

得火龍真人劍法

昔年曾遇火龍君
一劍相傳伴此身
天地山河從結沫
星辰日月任停輪
須知本性綿多劫
空向人間歷萬春

昨夜鍾離傳一語六天宮殿欲成塵

七言

周行獨力出羣倫默默昏昏亘古存無象無形潛造化
有門有戶在乾坤色非色際誰窮處空不空中自得根
此道非從它外得千言萬語謾評論

通靈一顆正金丹不在天涯地角安討論窮經深莫究
登山臨水杳無看光明暗寄希夷頂赫赤高居混沌端
舉世若能知所寓超凡入聖弗為難

落魄紅塵四十春，無爲無事信天真。
生涯只在乾坤鼎，活計惟憑日月輪。
八卦氣中潛至寶，五行光裏隱元神。
桑田改變依然在，永作人間出世人。

獨處乾坤萬象中，從頭歷歷運元功。
縱橫北斗心機大，顛倒南辰膽氣雄。
鬼哭神號金鼎結，雞飛犬化玉爐空。
如何俗士尋常覓，不達希夷不可窮。

誰信華池路最深，非遐非邇奧難尋。
九年採煉如紅玉，一日圓成似紫金。
得了永祛寒暑逼服之應，免死生侵。

勸君門外修身者端念思惟此道心

水府尋鉛合火鉛黑紅紅黑又玄氣中生氣肌膚換
精裏含精性命專藥返便為真道士丹還本是聖胎仙
出神入定虛華語徒費功夫萬萬年

九鼎烹煎九轉砂區分時節更無差精神氣血歸三要
南北東西共一家天地變通飛白雪陰陽和合產金花
終期鳳詔空中降跨虎騎龍謁紫霞

憑君子後午前看一脈天津在脊端金闕內藏玄谷子

玉池中坐太和官只將至妙三周火鍊出通靈九轉丹
直指幾多求道者行藏莫離虎龍灘

返本還元道氣平虛非形質轉分明水中白雪微微結
火裏金蓮漸漸生聖永論時非有體真鉛窮看亦無名
吾今為報修行者莫向燒金問至精

安排鼎竈煉玄根進退須明卯酉門繞電奔雲飛日月
驅龍走虎出乾坤一九因與紅顏駐九轉能燒白髮痕
此道幽微知者少茫茫塵世與誰論

醍醐一盞詩一篇暮醉朝吟不記年
乾馬屢來遊九地
坤牛時駕出三天
白龜窟裏夫妻會
青鳳巢中子母圓
提挈靈童山上望
重重疊疊是金錢

認得東西木與金
自然爐鼎虎龍吟
但隨天地明消息
方識陰陽有信音
左掌南辰攀鶴羽
右擎北極剖龜心
神仙親口留斯旨
何用區區向外尋

一本天機深更深
徒言萬劫與千金
三冬大熱玄中火
六月霜寒表外陰
金為浮來方見性
木因沈後始知心

五行顛倒堪消息返本還元在已尋

虎將龍軍氣宇雄佩符持甲去怱怱鋪排劒戟奔如電
羅列旌旗疾似風活捉三尸焚鬼窟生禽六賊破魔宮
河清海晏乾坤淨世世安居道德中

我家勤種我家田內有靈苗活萬年花似黃金苞不大
子如白玉顆皆圓栽培全賴中宮土灌溉須憑上谷泉
直候九年功滿日和根拔入大羅天

尋常學道說黃芽萬水千山覓轉差有畛有園難下種

無根無脚自開花
九三鼎內烹如酪
六一爐中結似霞
不日成丹應換骨
飛升遙指玉皇家

四六關頭路坦平
行人到此不須驚
從教犢駕轟轟轉
儘使羊車軋軋鳴
渡海經河稀阻滯
上天入地絕欹傾
功成直入長生殿
袖出神珠徹夜明

九六相交道氣和
河車晝夜迸金波
呼時一一關頭轉
吸處重重脈上摩
電激離門光海嶽
雷轟震戶動婆娑
思量此道真長遠
學者多迷溺愛河

金丹不是小金丹
陰鼎陽爐裏面安
盡道東山尋汞易
豈知西海覓鉛難
玄珠窟裏行非遠
赤水灘頭去便端
認得靈竿真的路
何勞禮月步星壇

古今機要甚分明
自是衆生力量輕
盡向有中尋有質
誰能無裏見無形
真鉛聖汞徒虛費
玉室金闕不解局
本色丹瓢推倒後
却吞丸藥待延齡

浮名浮利兩何堪
迴首歸山味轉甘
舉世算無心可契
誰人更與道相參
寸猶未到甘談尺
一尚難明強說三

經卷葫蘆并拄杖依前擔入舊江南

本來無作亦無行行着之時是妄情老氏語中猶未決
瞿曇言下更難明靈竿有節通天去至藥無根得地生
今日與君無恡惜功成只此是蓬瀛

解將火種種刀圭火種刀圭世豈知山上長男騎白馬
水邊少女牧烏龜無中出有還丹象陰裏生陽大道基
顛倒五行憑匠手不逢匠手莫施為

三千餘法論修行第一燒丹路最親須是坎男端的物

取他離女自然珍烹成不死砂中永結出長生水裏銀
九轉九還功若就定將衰老返長春

欲種長生不死根再營陰魄及陽魂先教玄母歸離戶
後遣空王鎮坎門虎到甲邊風浩浩龍居庚內水溫溫
迷途爭與輕輕泄此理須憑達者論

閉目存神玉戶觀時來火候遞相傳雲飛海面龍吞汞
風擊巖巔虎伏鉛一旦煉成身內寶等閒探得道中玄
刀圭餌了丹書降跳出塵籠上九天

千日功夫不暫閒
河車搬載上崑山
虎抽白汞安爐裏
龍發紅鉛向鼎間
仙府記名丹已熟
陰司除籍命應還
彩雲捧足歸何處
直入三清謝聖顏

解匹真陰與正陽
三年功滿結成霜
神龜出入庚辛位
丹鳳翱翔甲乙方
九鼎先輝雙瑞氣
三元中換五毫光
塵中若有同機者
共住煙霄不死鄉

修生一路就中難
迷者徒將萬卷看
水火均平方是藥
陰陽差互不成丹
守雌勿失雄方住
在黑無虧白自乾

認得此般真妙訣何憂風雨妒衰殘

纔吞一粒便安然十二重樓九曲連庚虎循環餐絳雪
甲龍天矯迸靈泉三三上應三千日九九中延九萬年
須得有緣方可授未曾輕泄與人傳

誰知神水玉華池中有長生性命基運用須憑龍與虎
抽添全藉坎兼離晨昏點盡黃金粉頃刻修成玉石脂
齋戒餌之千日後等閑輕舉上雲梯

九天雲淨鶴飛輕銜簡翩翩別太清身外紅塵隨意換

爐中白石立時成九苞鳳向空中舞五色雲從足下生
回首便歸天上去願將甘雨救焦氓

嬰兒迤邐降瑤階手握玄珠直下來半夜紫雲披素質
幾回赤氣掩桃顚微微笑處機關轉拂拂行時戶牖開
此是吾家真一子庸愚誰敢等閒猜

水得天符下玉都三千日裏積功夫禱祈天地開金鼎
收拾陰陽鎖玉壺便覺凡軀能變化深知妙道不虛圖
時來試問塵中叟這箇玄機世有無

誰識寰中達者人生平解法水中銀一條拄杖撐天地
三尺昆吾斬鬼神大醉醉來眠月洞高吟吟去傲紅塵
自從悟裏終身後贏得蓬壺永劫春

紅爐迸濺煉金英一點靈珠透室明擺動乾坤知道力
逃移生死見功程逍遙四海留蹤跡歸去三清立姓名
直上五雲雲路穩紫鸞朱鳳自來迎

時人若要學長生先是樞機晝夜行恍惚中間專志氣
虛無裏面固元精龍交虎戰三周畢兔走烏飛九轉成

煉出一爐神聖藥五雲歸去路分明

亦無得失亦無言動即施功靜即眠驅遣赤牛耕宇宙
分張玉粒種山川栽培不憚勞千日服食須知活萬年
今日示君君好信教君見世作神仙

不須兩兩與三三祇在崑崙第一巖逢潤自然情易伏
遇炎常恐性難降有時直入三元戶無事還歸九曲江
世上有人燒得住壽齊天地更無雙

本末無非在玉都亦曾陸地作凡夫吞精食氣先從有

悟理歸真便入無水火自然成既濟陰陽和合自相符
爐中煉出延年藥溟渤從教變復枯

無名無利任優游遇酒逢歌且唱酬數載未曾經聖闕
千年唯只在仙州尋常水火三回進真箇夫妻一處收
藥就功成身羽化更拋塵坌出凡流

杳杳冥冥莫問涯雕蟲篆刻道之華守中絕學方知奧
抱一無言始見佳自有物如黃菊藥更無色似碧桃花
休將心地虛勞用煮鐵燒金轉轉差

還丹功滿未朝天且向人間度有緣拄杖兩頭擔日月
葫蘆一箇隱山川詩吟自得閑中句酒飯多遺醉後錢
若問我修何妙法不離身內汞和鉛

半紅半黑道中玄水養真金火養鉛解接往年三寸氣
還將運動一周天烹煎盡在陰陽力進退須憑日月權
只此功成三島外穩乘鸞鳳謁諸仙

返本還元已到乾能升能降號飛仙一陽生是興功日
九轉周為得道年煉藥但尋金裏水安爐先立地中天

此中便是還丹理不遇奇人誓莫傳

飛龍九五已升天次第還當赤帝權喜遇汞珠凝正午
幸逢鉛母結重玄狂猿自伏何須鍊野馬親調不着鞭
煉就一九天上藥頓然心地永剛堅

舉世何人悟我家我家別是一榮華盈箱貯積登仙錄
滿室收藏伏火砂頓飲長生天上酒常栽不死洞中花
凡流若問吾生計遍地紛紛五彩霞

津能充渴氣充糧家住三清玉帝鄉金鼎煉來多外白

玉虛烹處徹中黃始知青帝離宮住方信金精水府藏
流俗要求玄妙理參同契有兩三行

紫詔隨鸞下玉京元君相命會三清便將金鼎丹砂餌
時拂霞衣駕鶴行天上雙童持珮引月中嬌女執幡迎
此時功滿參真後始信仙都有姓名

修修修得到乾乾方號人間一醉仙世上光陰催短景
洞中花木任長年形飛峭壁非凡骨神在玄宮別有天
唯願先生頻一顧更玄玄外問玄玄

御定全唐詩卷八百五十六

欽定四庫全書

御定全唐詩卷八百五十七

呂巖

七言

金丹一粒定長生
須得真鉛煉甲庚
火取南方赤鳳髓
水求北海黑龜精
鼎追四季中央合
藥遣三元八卦行
齋戒興功成九轉
定應入口鬼神驚

功滿

一作得道

來來際會

一作相見

難又聞東去上仙壇
杖頭春

色一壺酒頂上雲攢五嶽冠飲酒龜兒人不識燒山符

子鬼難看先生去後身須老乞與貧儒換骨丹

送鍾離雲房赴

天池會

碧潭深處一真人貌似桃花體似銀鬢髮未斑緣有術
紅顏不老爲通神蓬萊要去如今去架上黃衣化作雲
任彼桑田變滄海一丸丹藥定千春

爐養丹砂鬢不斑假將名利住人間已逢志士傳神藥
又喜同流動笑顏老子道經分付得少微星許共相攀

幸蒙上士甘撈攬處世輸君一箇閒

贈人

誰解長生似我哉煉成真氣在三台盡知白日昇天去
剛逐紅塵下世來黑虎行時傾雨露赤龍耕處產瓊瑰
只吞一粒金丹藥飛入青霄更不回

亂雲堆裏表星都認得深藏大丈夫綠酒醉眠間日月
白蘋風定釣江湖長將氣度隨天道不把言詞問世徒
山水路遙人不到茅君消息近知無

鶴為車駕酒為糧為戀長生不死鄉地脉尚能縮得短

人年豈不展教長星辰徃徃壺中見日月時時袖裏藏
若欲時流親得見朝朝不離水銀行

靈芝無種亦無根解飲能餐自返魂但得煙霞供歲月
任他烏兔走乾坤嬰兒只戀陽中母姹女須朝頂上尊
一得不回千古內更無塚墓示兒孫

世上何人會此言休將名利挂心田等閑倒盡十分酒
遇興高吟一百篇物外煙霞爲伴侶壺中日月任嬋娟
他時功滿歸何處直駕雲車入洞天

玄門帝子坐中央得算明長感玉皇枕上山河和雨露
笛中日月混瀟湘坎男會遇逢金女離女交騰嫁木郎
真箇夫妻齊守志立教牽惹在陰陽

遙指高峰笑一聲紅霞紫霧面前生每於塵市無人識
長到山中有鶴行時弄玉蟾驅鬼魅夜煎金鼎煮瓊英
他時若赴蓬萊洞知我仙家有姓名

堪笑時人問我家杖檐雲物惹煙霞
袖藏火電非他說手種金蓮不自誇
三尺焦桐爲活計一壺美酒是生涯

騎龍遠出遊三島夜久無人翫月華

九曲江邊坐卧看一條長路入天端慶雲捧擁朝丹闕
瑞氣裛回起白煙鉛汞此時爲至藥坎離今日結神丹
功能濟命長無老只在人心不是難

玄門玄理又玄玄不死根元在汞鉛知是一般真箇術
調和六一也同天玉京山上羊兒鬧金水河中石虎眠
妙要能生覺本體勤心到處自如然

公卿雖貴不曾酬說著仙鄉便去遊爲討石肝逢蜃海

因尋甜雪過瀛洲山川醉後壺中放神鬼閑來匣裏收
據見目前無箇識不如盃酒混凡流

曾邀相訪到仙家忽上崑崙宴月華玉女控龍蒼獬豸
山童提挈白蝦蟇時斟海內千年酒慣摘壺中四序花
今在人寰人不識看看揮袖入煙霞

火種丹田金自生重重樓閣自分明三千功行百旬見
萬里蓬萊一日程羽化自應無鬼錄玉都長是有仙名
今朝得赴瑤池會九節幢幡洞裏迎

因看崔公入藥鏡令人心地轉分明陽龍言向離宮出
陰虎還於坎位生二物會時爲道本五方行盡得丹名
修真道士如知此定跨赤龍歸玉清

浮生不實爲輕忽衲服深藏奇異骨非是塵中不染塵
焉得物外通無物共語難分情兀兀獨自行時輕拂拂
一點刀圭五彩生飛丹走入神仙窟

莫怪愛吟天上詩蓋緣吟得世間稀慣餐玉帝宮中飯
曾著蓬萊洞裏衣馬踏日輪紅露捲鳳銜月角擘雲飛

何時再控青絲轡又掉金鞭入紫微

黃芽白雪兩飛金行即高歌醉即吟日月暗扶君甲子
乾坤自與我知音精靈滅跡三清劍風雨騰空一弄琴
的當南遊歸甚處莫交鶴去上天尋

雲鬢雙明骨更輕自言尋鶴到蓬瀛日論藥草皆知味
問著神仙自得名簪冷夜龍穿碧洞枕寒晨虎卧銀城
來春又擬攜筇去為憶軒轅海上行

龍精龜眼兩相和丈六男兒不奈何九盞水中煎赤子

一輪火內養黃婆月圓自覺離天網功滿方知出地羅
半醉好吞龍鳳髓勸君休更認彌陀

強居此境絕知音野景雖多不合吟詩句若喧卿相口
姓名還動帝王心道袍薜帶應慵挂隱帽皮冠尚懶簪
除此更無餘箇事一壺村酒一張琴

華陽山裏多芝田華陽山叟復延年青松巖畔攀高幹
白雲堆裏飲飛泉不寒不熱神蕩蕩東來西去氣綿綿
三千功滿好歸去休與時人說洞天

天生不散自然心成敗從來古與今得路應知能出世
迷途終是任埋沈身邊至藥堪攻煉物外丹砂且細尋
咫尺洞房仙景在莫隨波浪沒光陰

自隱玄都不記春幾回滄海變成塵玉京殿裏朝元始
金闕宮中拜老君悶即駕乘千歲鶴閑來高卧九重雲
我今學得長生法未可輕傳與世人

北帝南辰掌內觀潛通造化暗相傳金槌袖裏居元宅
玉戶星宮降上玄舉世盡皆尋此道誰人空裏得玄關

明明道在堪消息日月灘頭去又還

日影元中合自然奔雷走電入中原長驅赤馬居東殿
大啓朱門泛碧泉怒拔昆吾歌聖化喜陪孤月賀新年
方知此是生生物得在仁人始受傳

六龍齊駕得昇乾須覺潛通造化權真道每吟秋月澹
至言長運碧波寒畫乘白虎遊三島夜頂金冠立古壇
一載已成千歲藥誰人將袖染塵寰

五岳灘頭景象新仁人方達杳冥身天綱運轉三元淨

地脈通來萬物生自曉谷神通此道誰將理性欲修真
明明說向中黃路霹靂聲中自得神

欲陪仙侶得身輕飛過蓬萊徹上清朱頂鶴來雲外接
紫鱗魚向海中迎姮娥月桂花先吐王母仙桃子漸成
下瞰日輪天欲曉定知人世久長生

四海皆忙幾箇閒時人口內說塵緣知君有道來山上
何似無名住世間十二樓臺藏秘訣五千言內隱玄關
方知鼎貯神仙藥乞取刀圭一粒看

割斷繁華掉却榮便從初得是長生曾於錦水為蟬蛻
又向蓬萊別姓名三住住來無否泰一塵塵在世人情
不知功滿歸何處直跨虬龍上玉京

當年詩價滿皇都掉臂西歸是丈夫萬頃白雲獨自有
一枝丹桂阿誰無閒尋渭曲漁翁引醉上蓮峰道士扶
他日與君重際會竹溪茅舍夜相呼

金鉞灼灼舞天階獨自騎龍去又來高卧白雲觀日窟
閑眠秋月擘天開離花片片乾坤產坎藥翻翻造化栽

晚醉九巖回首望北邙山下骨皚皚

結交常與道情深日日隨他出又沈若要自通雲外鶴
直須勤煉水中金丹成只恐乾坤窄餌了寧憂疾患侵
未去瑤臺猶混世不妨杯酒喜閒吟

因攜琴劍下煙蘿何幸今朝喜暫過貌相本來猶自可
針醫偏更効無多仙經已讀三千卷古法曾持十二科
此小道功如不信金堦捨手試看麼

傾側華陽醉再三騎馬遇晚下南巖看因拍劍畱星電

衣為眠雲惹碧嵐金液變來成雨露玉都歸去老松杉
曾將鐵鏡照神鬼霹靂搜尋火滿潭

鐵鏡烹金火滿空碧潭龍卧夕陽中麒麟意合乾坤地
獬豸機關日月東三尺劍橫雙水岸五丁冠頂百神宮
閒鋪羽服居仙窟自著金蓮造化功

隨緣信業任浮沈似水如雲一片心兩卷道經三尺劍
一條藜杖七絃琴壺中有藥逢人施腹內新詩遇客吟
一嚼永添千載壽一九丹點一斤金

琴劍酒碁龍鶴虎逍遙落托永無憂閑騎白鹿遊三島
悶駕青牛看十洲碧洞遠觀明月上青山高隱綵雲流
時人若要還如此名利浮華即便休

紫極宮中我自知親磨神劍劍還飛先差玉子開南殿
後遣青龍入紫微九鼎黃芽棲瑞鳳一軀仙骨養靈芝
蓬萊不是凡人處只怕愚人泄世機

向身方始出埃塵造化功夫只在人早使亢龍拋地網
豈知白虎出天真綿綿有路誰畱我默默忘言自合神

擊劍夜深歸甚處披星帶月折麒麟

春盡閒閒過落花一回舞劍一吁嗟常憂白日光陰促
每恨青天道路賒本志不求名與利元心只慕水兼霞
世間萬種浮沈事達理誰能似我家

日為和斛月呼丹華夏諸侯肉眼看仁義異如胡越異
世情難似泰衡難八仙煉後鍾神異四海磨成照膽寒
笑指不平千萬萬騎龍舞劍九重關

別來洛汭六東風醉眼吟情慵不慵擺撼乾坤金劍吼

烹煎日月玉爐紅
杖搖楚甸三千里
鶴翥秦煙幾萬重
為報晉成仙子道
再期春色會稽峰

髮頭滴血眼如鍰
吐氣雲生怒世間
爭耐不平千古事
須期一訣蕩兇頑
蛟龍斬處翻滄海
暴虎除時拔遠山

為滅世情兼負義
劍光腥染點痕斑

贈劍客

雨雪霏霏天已暮
金鍾滿勸撫焦桐
詩吟席上未移刻
劍舞筵前疾似風
何事行杯當午夜
忽然怒目便騰空

不知誰是虧忠孝
攜箇人頭入坐中

贈劍客

未煉還丹且煉心丹成方覺道元深每畱客有錢酤酒
誰信君無藥點金洞裏風雷歸掌握壺中日月在胷襟
神仙事業人難會養性長生自意吟

鐵牛耕地種金錢刻石時童把貫穿一粒粟中藏世界
二升鐺內煮山川白頭老子睂垂地碧眼驕兒手指天
若向此中玄會得此玄玄外更無玄

箕星昴宿下長天凡景寧教不愕然龍出水來鱗甲就
鶴沖天氣羽毛全塵中教化千人眼世上人知爾雅篇

自是凡流福命薄，忍教微妙畧輕傳。

閒來掉臂入天門，拂袂徐徐撮綵雲。
無語下窺黃谷子，破顏平揖紫霞君。
擬登瑤殿參金母，回訪瀛洲看日輪。
恰值嫦娥排宴會，瑤漿新熟味氤氲。

曾隨劉阮醉桃源，未省人間欠酒錢。
一領布裘權且當，九天回目却歸還。
鳳茸襖子非為貴，狐白裘裳欲比難。
只此世間無價寶，不憑火裏試燒看。

因思往事却成愁，曾讀道經第十三。
武氏死時應室女，

陳王沒後是童男兩輪日月從他載九箇山河一擔擔
盡日無人話消息一壺春酒且醺酣

垂袖騰騰傲世塵葫蘆攜却數遊巡利名身外終非道
龍虎門前辨取真一覺夢魂朝紫府數年蹤跡隱埃塵
華陰市內纔相見不是尋常賣藥人

萬卷仙經三尺琴劉安聞說是知音杖頭春色一壺酒
爐內丹砂萬點金悶裏醉眠三路口閒來遊釣洞庭心
相逢相遇人誰識只恐沖天沒處尋

曾戰蚩尤玉座前六龍高駕振鳴鑾如來

一作指南

車後隨

金鼓黃帝

一作皂肅

旗傍戴鐵冠醉捋黑鬚三島黯怒抽霜

劍十洲寒軒轅世代橫行後直隱深巖久覓難

頭角蒼浪聲似鐘貌如冰雪骨如松匣中寶劍時頻吼
袖裏金鉞逞露風會飲酒時為伴侶能行詩句便參同
來年定赴蓬萊會騎箇生獰九色龍

神仙暮入黃金闕將相門闕白玉京可是洞中無好景
為憐天下有衆生心琴際會閑隨鶴匣劍時磨待斷鯨

進退兩楹俱未應憑君與我指前程

九鼎烹煎一味砂自然火候放童花星辰照出青蓮顚
日月能藏白馬牙七返返成生碧霧九還還就吐紅霞
有人奪得玄珠餌三島途中路不賒

天生一物變三才交感陰陽結聖胎龍虎順行陰鬼去
龜蛇逆往火龍來嬰兒日喫黃婆髓姹女時餐白玉杯
功滿自然居物外人間寒暑任輪回

星辰聚會入離鄉日月盈虧助藥王三候火燒金鼎寶

五符水煉玉壺漿乾坤反覆龍收霧卯酉相吞虎放光
入室用機擒捉取一九丹點體純陽

真人行巴陵市太守怒其不避使案吏具其罪
真人曰須酒醒耳頃忽失之但畱詩曰

暫別蓬萊海上遊偶逢太守問根由身居北斗星杓下
劍挂南宮月角頭道我醉來真箇醉不知愁是怎生愁
相逢何事不相認却駕白雲歸去休

仙樂侑席

曾經天上三千劫又在人間五百年腰下劍鋒橫紫電
爐中丹焰起蒼煙纔騎白鹿過滄海復跨青牛入洞天
小技等閒聊戲爾無人知我是真仙

題桐柏山黃先生菴門

吾有玄中極玄語周遊八極無處吐雲輶飄泛到凝陽
一見君兮在玄浦知君本是孤雲客擬話希夷生恍惚
無為大道本根源要君親見求真物其中有一分三五
本自無名號丹母寒泉瀝瀝氣綿綿上透崑崙還紫府

浮沈升降入中宮四象五行齊見土驅青龍擒白虎起
祥風兮下甘露鉛凝真汞結丹砂一派火輪真為主既
修真須堅確能轉乾坤泛海岳運行天地莫能知變化
鬼神應不覺千朝煉就紫金身乃致全神歸返朴黃秀
才黃秀才既修真須且早人間萬事何時了貪名貪利
愛金多為他財色身衰老我今勸子心悲切君自思兮
生猛烈莫教大限到身來又是隨流入生滅畱此片言
用表其意他日相逢必與汝決莫退初心善愛善愛

御定全唐詩卷八百五十七